

ԱՐՑԱԽԻ ՔԱՂԱՔԱՏԵՂ ԲԵՐԴԱՎԱՆԸ

Ա. Բ. ՂՈՒՆՅԱՆ, Ռ. Ս. ԱՐԴԱՐՅԱՆ

Քաղաքատեղ կամ Մայրաքաղաք անվանվող հնավայրը գտնվում է Լեռնային Ղարաբաղի Ինքնավար Մարզի Մարտակերտի շրջանի Մաղավուզ գյուղի տարածքում, Թարթառ գետի աջ ափին, նշանավոր Ջրաբերդ ամրոցից 1,5 կմ ղեպի արևելք։ Այն առաջին անգամ հիշատակվում է Ս. Ջալալյանցի կողմից. «է աւերակ տեղի քաղաքի ի դժուարակոխ ձորամիջի, յորում են աւերակք բաղմաց տանց և մեծամեծ ապարանից, ի սմա է պալատ քաջագոր իշխանին Մէլիք Աղամայ կառուցեալ սբանչիլի ձեակերպութեամբ, զորով է տրուարձան ընդարձակ ի պահպանութիւն նորին, ի վեր քան զայս պալատ է սագաձև։ մատուռ կառուցեալ ի թուին Հայոց ՉԹ ձեռամբ խուռումայ և եղրօրն Վահրամայ շահին...»¹։ Հետագայում ավելի հանգամանորեն ընդգրկված նկարագրել է Ս. Բարխուտարյանցը՝ հիշատակելով այնտեղ եղած շինութիւնների մեծ մասը։ Այստեղ Քաղաքատեղը ներկայացվում է որպես Ջրաբերդի մելիքանիստ ընկավայրերից մեկը, իսկ նրա տարածքում գտնվող ապարանքը՝ վերագրվում XVIII դարում գավառի տեր Մելիք Աղամին²։ Ավելի ուշ ուսումնասիրողները Քաղաքատեղի ավերակների ու դրանց հետ կապված պատմական հանգամանքների մասին ոչինչ չեն ավելացրել³։ Րաֆֆին, հավանաբար նկատի ունենալով բերդավանի արևելակողմի հին հանգստարանի մատուռի բարավորի՝ Ս. Ջալալյանցի ու Մ. Բարխուտարյանցի հիշատակած 1160 թ. թվագրված արձանագրությունը⁴, գրել է. «Մելիք Աթամը իր բնակության համար նորոգեց Քաղաքատեղ կամ Մայրաքաղաք կոչված ավերակների մոտ մի հոյակապ պալատ, որի մեջ տասներկուերորդ դարու վերջերում ընկավում էր խաչների և Շամքորի իշխան Վահրամ շահը»⁵։

Կա կարծիք այն մասին, որ «...հնավայրը Մայրաքաղաք անունով հիշվում է սկսած վաղ միջնադարից։ VII դարում, մի կարճ ժամանակ, այստեղ են նստել Աղվանքի կաթողիկոսները»⁶։ Այս տեղեկության սկզբնաղբյուրը թեև չի նշվում, բայց հայտնի է⁷, և ինչպես հավաստում է նույն հեղինակը՝ Աղվանքի կաթողիկոսության ամսոսանոցը սկզբից ևեթ եղել է Բերդակուր ամրոցը։ VII

1 Ս ա ղ գ ի ս Ջ ա լ ա լ ե ա ն ց . Ճանապարհորդութիւն ի Մեծն Հայաստան. մասն Ա, Տփլիս, 1842, էջ 177։

2 Մ ա կ ա Ր Բ ա Ր խ ու տ ա Ր յ ա ն ց . Արցախ Բազու, 1895, էջ 222—224։

3 Ր ա ֆ ֆ ի . Երկերի ժողովածու. հ. 10, Երևան, 1959, էջ 175, 372, Լ Ե Ռ . Երկերի ժողովածու. հ. 3, գիրք Բ, Երևան, 1973, էջ 26—27, Լ Ե Ռ . Իմ հիշատակարանը. Շուշի, 1890, էջ 248։

4 Եթիւ ՉԹ . էր Կամաւն Աստուծոյ ես խուռում (շոփսիմէ) շինեցի զեկեղեցիս, եղբայր իմ Վահրամ Շահ ի հիշատակ մեզ և ծնողաց մերոց ի յիշխանութեան Ուքանին և յամիրութեան Փախրայդիին և ի յառաջնորդութեան Տէր Սուքիասին. յաղաթս...» (Արցախ, էջ 232. տե՛ս նաև Դիվան հայ վիճադրության. պրակ Դ, Երևան, 1982, էջ 95)։

5 Ր ա ֆ ֆ ի , հ. 10 էջ 175։ Վահրամ շահ իշխանի պատմականության, ապրած ժամանակի և տիրապետության ռաճմանների հարցերը հայտնի չեն մատենագրական աղբյուրներից և չեն սյարգարանվել արդի պատմագրության մեջ։ Խնդրի լուսաբանումն այստեղ դուրս է մեր քննության շրջանակներից։

6 Լ Ե Ռ . Երկերի ժողովածու. հ. 8, Երևան, 1985, էջ 541, ծան. 27 (Ք. Ուլուրարյանի)։

7 Մ ո Վ ս է Պ Կ ա ղ ա ն կ ա ա թ ա ճ ի . Պատմութիւն Աղուանից աշխարհի. Երևան, 1983, էջ 297, 345, Կ ի Ր ա կ թ Պ ա ն ձ ա կ ե ջ ի . Պատմություն Հայոց. Երևան, 1961, էջ 198։

դարում Հովհաննես Բ կաթողիկոսը կաթողիկոսությունը տեղափոխում է Բերդակուր, ուր այն մնում է մինչև IX դար⁸։ Սակայն հակասելով իրեն մի այլ առիթով, հեղինակը Բերդակուրը նույնացնում է Կաթողիկոսի քարի (Կաթողիկոսասար)⁹ հետ՝ թերթառի ափին։ Մարտակերտի շրջանի կյուվասազ գյուղի մոտ¹⁰։ Տեղացիների հավաստմամբ Բերդակուրը հենց Քաղաքատեղն է¹¹։ Բայց թե ինչքանով է դա ճշմարտացի, առայժմ դժվար է ասել։ Դա կպարզվի հետազոտում, բերդավանի գտնվելու համար հնարավոր վայրերի ուսումնասիրությունից հետո։

Բերդավանը գոյատևել է նաև միջնադարում։ Հիշատակված 1160 թ. ունեցող արձանագրությունից բացի հնավայրի արևելյան ծայրամասի գերեզմանոցում եղել են 1250 և 1551 թթ. թվագրված խաչքար և տապանաքար¹²։ Ապարանքը ևս, ինչպես նկատել է Մ. Բարխուտարյանցը, ենթադրել Բաֆֆին և ինչպես ցույց է տալիս նրա ճարտարապետական շինարարական քննությունը, ամենաին հավանականությամբ հիմնադրվել է միջնադարում։ Կարևոր է նաև ավերակ բերդավանի Քաղաքատեղ անվան հիշատակությունը XVIII դարի հայոտական հարաբերությունների երկու փաստաթղթում։ Դրանցից մեկում նամակագրության վայր է հիշվում «քաղաքայ տեղի բերթը» (1724 թ.)¹³, իսկ մյուսից տեղեկանում ենք, որ 1785 թ. հուլիսի 5-ին այստեղ՝ «Ջրաբերդը բնակավայրի ուստ գտնվող Քաղաքատեղ գյուղում»¹⁴ հավաքվել էին Արցախ-Ղարաբաղի հոգևոր ու աշխարհիկ տերերը, գավառի իշխան Մելիք Ադամի մահվան առթիվ։ Պարզ է, որ Քաղաքատեղ հատուկ անունը այստեղ պետք է հասկանալ նաև բառացի¹⁵։

XVIII դարի սկզբում սղնախների ազատագրական մարտերի ժամանակաշրջանում և դարի կեսերից հետո, Մելիք Ադամի իշխանության օրոք Ջրաբերդ-Քաղաքատեղը ազգային անկախության պայքարում համախոհ Ջրաբերդ-Գյուլիստան միացյալ գավառի ու ռազմաքաղաքական միավորման կենտրոնն էր, կապված այդ պայքարի մյուս գործուն օջախների՝ Գյուլիստան բերդի, Երիցմանկանց և Նղիշե առաքյալի վանքերի, հին Մոխրաթաղի ու Թալիշի

8 Բ. Ա. Ուլուբաբյան. Խաչների իշխանությունը X—XVI դարերում. Երևան, 1973, էջ 371։

9 Մխիթար Գոշ. Կաթողիկոսը և զվար Աղուանից աշխարհին ի մէջ ժբ դարու.— Ղ. Արիշան. Հայապատում. Վենետիկ, 1901, էջ 336ա։

10 Խաչների իշխանությունը, էջ 116։ Այս կարծիքին և է Վ. Առաքելյանը. տե՛ս Մովսէս Կաղանկատվացի. Պատմություն Աղվանից աշխարհի. Երևան, 1969, էջ 289։

11 Մեծ Շեն գյուղի զպրոցի ուսուցիչ Բ. Մովսէսյանի զրի առած ավանդությունների մեջ էա մեկը, որտեղ հիշատակվում է Բերդակուրը՝ Քաղաքատեղ կամ Մայրաքաղաք անվանումով։ Նույն ավանդության մեջ բերդավանի և Ջրաբերդի կառուցումը կապվում է հետագայում Իսրայելյան անվանված մելիքական տոհմի նախորդների հետ։

12 Մ. Բարխուտարյանց. Արցախ, էջ 222։ Դիվան, պրակ V, էջ 95—96։

13 Ս. Պ. Արутյան. Освободительное движение армянского народа в первой четверти XVIII века. М., 1954, с. 208, տե՛ս տողատակին, АВПР. ֆ. Сношения России с Арменией. 1724, л. № 24, л. 19, փաստաթղթի տեղ. օգրվեցաւ զիրս քաղաքայ տեղին բերդութեան...»։

14 Ա. Ք. Ноаннисян. Россия и армянское освободительное движение в 80-х годах XVIII столетия. Ереван, 1947, с. 242, док. № 27. «Писано при урочище Чарапеге в селе Кагакатег, июля 5-го дня 1783-го года» (փաստաթղթի հայերեն բնագիրը կորած է համարվում)։

15 Այս առումով ուշագրավ է, որ Պ. Տ. Հարությունյանի նշած վերոհիշյալ 1724 թ. ունեցող փաստաթղթում «քաղաքայ տեղին բերդումն» արտահայտության մեջ տեղի անունը («) փոքրատառ է դրված, իսկ «քաղաքայ տեղին» բառերը առանձին-առանձին (հմմտ. Բաֆֆին, հ. 10, էջ 175)։

ապարանք-ամրոցների և այլ ամրությունների հետ¹⁶։ Եթե նկատի առնենք մի կողմից այն, որ սկսած վաղ միջնադարից գրավոր աղբյուրներում Ջրաբերդ (նաև Չարաբերդ, Չրաբերդ, Ճարաբերդ) անվանումը¹⁷ օգտագործվում է և՛ պավառ, և՛ կենտրոն, և՛ ամրոց իմաստներով, իսկ մյուս կողմից՝ Ջրաբերդ ամրոցի ու Քաղաքատեղ բերդավանի մոտիկությունը (մոտ 1,5 կմ), ապա, ընդունվելով, կարելի է ենթադրել, որ հնուց ի վեր Ջրաբերդ անվան տակ հասկացվում էր ամրոց-բերդավան ամրոցությունը։ Ավելացնենք, որ դատելով ամրոցի ու բերդավանի մանրամասն չափագրություններից ու նրանց միջանկյալ տարածքի տեղագրության, ամրոցն իր հսկայական չափերով և անմատչելիությամբ, խիստ կտրտված տեղանքով ու պաշտպանական շինությունների առատությամբ հիմնականում ծառայել է որպես պատսպարան շրջակա բնակչության համար և եղել է գավառի ղրբեղ բերդամրոց-կենտրոն։ Մինչդեռ բերդավանը, ունենալով հանդերձ իր պաշտպանական համակարգն ու անմիջական կապը ամրոցի հետ, համեմատաբար մատչելի է եղել և իր տեղագրությամբ հարմար որպես բնակավայր և իշխանական աթոռանիստ։ Այս առումով ինչ-որ չափով ուղղակի-բառացի իմաստով պետք է հասկանալ նաև հնավայրի մյուս՝ Մայրաքաղաք անվանումը։ Դեռ միջնադարից իշխանանիստ բերդաքաղաքի փառքն ու համրավր բերդամասում ու գավառում պատճառ են դարձել այն անվանելու Մայրաքաղաք¹⁸։

Այսպեսից կարելի է հետևել, որ ամբողջ միջնադարի ընթացքում հռչակվոր Ջրաբերդ ամրոցի հարևանությամբ (գուցե նաև անվամբ) գոյատևած իշխանանիստ բերդավանը XVIII դարում բարգավաճում դառնում է գավառի նշանավոր կենտրոններից մեկը և մեկիքական աթոռի ժառանգորդ Մելիք Ադամ Խսրապյանը այնտեղ վերակառուցում լրացնում է հնավանդ ապարանքը, դարձնելով այն իր ձևառարկայով¹⁹։

Մելիք Ադամի իշխանությունը առանձնապես հզորացած ենք տեսնում XVIII դարի 70-ական թթ. հետո, երբ նա և Գյուլիստանի Մելիք Հովսեփը իրենց հպատակներով, Շուշվա Իբրահիմ խանի հորդորանքով 1767 թ. Գանձակի մոտերքից վերադառնում են իրենց հայրենի տիրույթները²⁰։ Անկասկածապես տարիներին (1767—1783 թթ.) պիտի վերագրել ապարանքի վերակառուցումը, մանավանդ, որ Մելիք Ադամի մյուս՝ Հին Մոխրաթաղում գտնվող ապարանքը ևս կառուցվել է նույն ժամանակահատվածում (1771 թ.)²¹։

¹⁶ П. Т. Арутюнян. Освободительное движение армянского народа. с. 226—228.—Армяно-русские отношения в первой трети XVIII века, сборник документов. Т. II, часть I, Ереван, 1964, с. XXXIX; т. II, часть II, Ереван, 1967, с. 113, 282—283; Л. Р. Иоаннисян. Россия и армянское освободительное движение..., с. 15—42 и далее; М. Персиян. Из истории русско-армянских отношений, книга первая. Ереван, 1956, с. 50, 236. Գարաշրջանի պատմական իրադրության մասին մանրամասն տե՛ս նաև՝ Բաճիճի, հ. 10, Առ, հ. 3, դիրք Բ.

¹⁷ Մոզսես Կաղանկատվացի. էջ 157, 354; Կիրակոս Գանձակեցի. էջ 359; Մխիթար Գոշ. Կաթողիկոսը եւ դէպք Աղուանից աշխարհին, էջ 387ր.

¹⁸ Հայտնի են և այլ դեպքեր, երբ իշխանական աթոռանիստ բնակավայրը անվանվում է Մայրաքաղաք (օրինակ Եղեգիս գյուղաքաղաքը Սյունիքում). տե՛ս Ղ. Ալիշան. Սիսական. Վենետիկ, 1893, էջ 146; Ս. Զալալյանցի մոտ Մայրաքաղաք անունով հիշատակվում է և Արցախի Մեծկվենք գավառի եպիսկոպոսարանը այժմյան Վաղուշա գյուղի մոտ. տե՛ս Ս. Զալալյանց. Զանապարհորդութիւն ի Մեծն Հայաստան. մասն Բ, Տիփսիս, 1853, էջ 231.

¹⁹ Մ. Բարխուդարյանց. Արցախ, էջ 224; Նույնի՝ Պատմություն Աղվանից. հ. Բ, Ինքիս, 1907, էջ 53.

²⁰ Л. Р. Иоаннисян. Россия и армянское освободительное движение..., с. 17; М. Персиян. Из истории русско-армянских отношений, с. 50, 112—113.

²¹ Մ. Բարխուդարյանց. Արցախ, էջ 218; Նույնի՝ Պատմություն Աղուանից, էջ 101, Դիվան, պրակ V, էջ 94.

Տեղագրությունը և ֆաղաֆաշիճական կառուցվածքը (աղ. 1, նկ. 2), Բարթա-
 ավանը գտնվում է Թարթառ գետի աջ ափին, նրանից 600—800 մ հեռավո-
 րության վրա, ձորերով մասնատված բարդ ուղիղ հանգուց տեղանքում: Այն-
 կառուցված է ռազմաստրատեգիական և տնտեսական առումով նպաստավոր
 վայրում: Պաշտպանականությունը պայմանավորված էր նախ տեղանքից բխող
 հանգամանքով, ապա՝ իր թիկունքում այնպիսի մի հզոր ամրոցի առկայու-
 թյամբ, ինչպիսին Զրաբերդն է: Տնտեսապես էլ հարմար էր, քանի որ բերրի
 ու մշակովի հողեր ուներ ոչ միայն քաղաքի տարածքում, այլև նրա մերձակա
 տարածություններում: Բերդավանի տարածքը հյուսիսից և հարավից սահ-
 մանափակված է ձորերով, որոնք կենտրոնական երկու ձորերի հետ բնակա-
 վայրի ստորին մասում միավորվում են մեկի մեջ, վերջինս էլ շարունակվում
 է Թարթառ գետին ուղղահայաց՝ հատվելով նրա հետ: Ամբողջ տեղանքը արե-
 վելք-արևմուտք ուղղությամբ ունի ընդհանուր թեքություն: Արևելյան կողմում
 քաղաքի վերջը կարելի է համարել ամենաբարձրագույն մասը, որտեղ գտնվում
 են եկեղեցին և գերեզմանոցը: Այստեղից դեպի արևելք ընկած տեղանքը դժ-
 վարանցանքի է և նույնպես նպաստավոր պաշտպանության տեսակետից: Ամ-
 բողջովին ավերված եկեղեցուց ոչինչ չի պահպանվել: Նրա շուրջը տարածված
 գերեզմանոցում կան բազմաթիվ տապանաքարեր, որոնք մասամբ ծածկվել
 են հողով: Գետին երեսին գտնվողների վրա արձանագրություններ չկան:

Բերդավանն այժմ գրեթե անտառածածկ է և զբաղեցնում է մոտ 54 հա-
 տարածություն: Նրա կառուցվածքը թելադրված է տեղագրական պայմաննե-
 րով: Պաշտպանական հիմնական կետերն են հանդիսացել բնակավայրի գրե-
 թև կենտրոնում տեղադրված ապարանքը և նրա հյուսիս-արևմտյան և հա-
 րավ-արևմտյան մասերում գտնվող Ծառուրդ և Վախաղանք կոչվող ամ-
 րոցները: Ամրացված այս երեք հենակետերի շուրջն էլ կառուցվել են բնա-
 կելի և տնտեսական շինությունները: Քաղաքի երկայնական առանցքն է կազ-
 մում միակ ճանապարհը, որն անցնում է ամբողջ տարածքով՝ հարավ-արևել-
 քից դեպի հյուսիս-արևմուտք: Կառուցվածքներն իրար հետ կապող մնացած
 ուղիները այժմ արահետներ են:


Պահպանված ուշագրավ շինություններից են Քաղաքատեղի հյուսիս-
 արևմտյան և հարավ-արևմտյան ծայրամասերում գտնվող երկհարկանի աշ-
 տարակաձև կառույցները, որոնց Մ. Բարխուտարյանցն անվանում է դիսուա-
 րաններ²²: Դրանց հորինվածքի ուսումնասիրությամբ չի հաստատվում այդ
 ենթադրությունը: Հարավ-արևմտյան աշտարակի մոտ ամբողջական վիճա-
 կում մնում է քառակուսի հատակագծով մի քարաշեն գլխատուն (4,6×4,6մ),
 որի ծածկն իրականացված է գոցվող թաղի ձևով: Պատերում որմնախորշեր
 չկան, երդիկ չունի. բնական լույսը գալիս է մուտքային պատի թաղի մեջ
 բացված, դեպի ներս լայնացող լուսամուտից (աղ. II, գծ. 7): Հիշատակության
 է արժանի նաև ապարանքից հյուսիս-արևմուտք, ձորի ձախ ափին կառուցված
 բաղնիքը: Այն այժմ կիսավեր է: Նույն ձորի աջ ափին, աղբյուրից մի փոքր
 ներքև գտնվող սրանոցը ամբողջովին ավերված է:

Տեղանքի հնարավորություններից ելնելով քաղաքի ամբողջ տարածքում
 բնակարանները կառուցվել են անկանոն տեղադրությամբ: Դրանցից համե-
 մատարար լավ պահպանվել են ապարանքի հյուսիս-արևելյան մի բարձր
 բլրի վրա գտնվող երկու կից սենյակի պատերը: Բերդավանն ունեցել է երկու
 մուտք՝ «արևմտյան»՝ խոր ձորին ստորոտում, որ համարյա թե հպած է Թար-
 թառ գետի աջ եզերքին, իսկ արևելյան կողմի մուտքն նույն ձորի վերի ծայ-
 րովն: Երկու մուտքերն ամրապնդված է եղել քարուկիր պատով, որք քանդված
 են այժմ²³: Մ. Բարխուտարյանցը արևելյան մուտքի մոտ գտնվող քարայր-
 ները համարում է դռնապանների բնակարաններ²⁴: Քաղաքի կառուցողները

²² Մ. Բարխուտարյանց. Աբգար, էջ 222—223:

²³ Նույն տեղում, էջ 222:

²⁴ Նույն տեղում, էջ 224:



Աղ. 1. Նկ. 1. Իշխանական ապարանք (հատակագիծ, ճակատ, լայնական կտրվածք)

Նկ. 2. Բնակարանի դիտարկումը հատակագիծով

հնարամիտ են օգտագործել տեղանքի լուրահատկությունները: Մուտքերի և ամրացված հենակետերի նման տեղադրությունը կարելի է դարձրել թշնամու բոլոր հնարավոր մոտեցումների դեպքում լավագույն ձևով պաշտպանվել և, անհրաժեշտության դեպքում, հարմար ճանապարհներով կապվել անառիկ համարվող Զրաբերդ ամրոցի հետ:

Իշխանական ապարանգ (աղ. I, գծ. 1, նկ. 1,2): Քաղաքատեղում պահպանված շինություններից ամենանշանակալիցը իշխանական ապարանքն է: Այն կառուցված է բերդավանի հատակագծային առանցքը կազմող միակ ճանապարհից ներքև: Տեղանքի ընձեռած հնարավորություններն օգտագործված են յուրօրինակ ձևով. քարե կիսակլոր բուրգեր ունեցող պատնեշի միջոցով ստեղծվել է արհեստական դարավանդ, որտեղ էլ կառուցվել են արտաքուստ ուղղանկյուն պարագծով, ներքին բակի շուրջը խմբված սենյակները: Ապարանքը երկայնական առանցքով (արտաքին չափումով՝ 23,3×36,5 մ) տեղադրված է հարավ-արևելք—հյուսիս-արևմուտք ուղղությամբ: Այն շրջակայքի նկատմամբ ունի իշխող դիրք և պաշտպանված է բոլոր կողմերից: Հյուսիս-արևելյան ուղղությամբ, մոտ 10 մ հեռավորությամբ կառուցված հենապատի շնորհիվ, այն աննկատ է մնում ճանապարհի կողմից, իսկ բերդավանի գրեթե բոլոր կետերից տեսանելի է միայն հարավ-արևմտյան ձևկատրը:

Ապարանքի ավերակներում դեռևս Մ. Բարխուտարյանցն է նկատել «հին ու նոր որմերի» տարբերություն և ենթադրել, որ «Մելիք-Ադամն նորոգած է ապարանս, որ եղած է կանխավ»²⁵: Ավերակների չափագրություններն ու զրննումը հաստատում և որոշակի են դարձնում այդ:

Մելիք Ադամին վերագրվող շինությունների խումբը բաղկացած է գրեթե միատեսակ տասը սենյակներից: Զորս սենյակ (4,0×7,0 մ) բակի հյուսիս-արևելյան կողմում են, հսկված լանջին և ազատ լայնական ճակատներում մուտքեր և պատուհաններ ունեն դեպի բակ (հյուսիսային անկյան սենյակի պատուհանը դեպի դուրս է): Բոլոր պատերը պահպանվել են մինչև ծածկին անցման սահմանը (2,7 մ առավելագույն բարձրությամբ) և ունեն որմնախորշեր, իսկ եզրային երկու սենյակները՝ նաև բուխարիներ: Այս սենյակների դիմաց, բակի հակառակ՝ հարավ-արևմտյան կողմում կան երկայնական պատերով դեպի բակն ուղղված ևս չորս սենյակների մնացորդներ: Մեզ է հասել միայն բակի կողմի պատը՝ մուտքերով ու որմնախորշերով, իսկ լայնական ու ձորահայաց պատերը փլվել են այդ մասում դարավանդի բրգավոր պատնեշի հետ: Սենյակների այս շարքի եզրերում լայնական կողմով կից երկու սենյակներով (3,9×5,5 մ) ընդհանրանում է ուղղանկյուն, 9,0×17,0 մ չափերով բակը²⁶, բեր հարավ-արևելյան և հյուսիս-արևմտյան կողմերում առաջացած նորանցքները պարունակում են ապարանքի արտաքին պատերից բացվող մուտքերով: Պահպանվել են այս նորանցքների երկրորդ հարկի պատերի հետքերը²⁷, որոնցից հյուսիս-արևմտյանն ունի պատուհան՝ կամարակապ մուտքի վերևում, իսկ հարավ-արևելյանի պատերում նկատելի են որմնախորշերի հետքեր:

Նկարագրված սենյակներն ու նորանցքները եղել են գերանածածկ. գերանների հենախորշերը դեռևս մնում են լայնական պատերում: Հյուսիս-արևմելյան շարքի սենյակների երկարության չափը (7,0 մ) նման գերանածածկի դեպքում ենթադրում է միջանկյալ հենասյուների երեքմանի գոյություն²⁸, շնորհիվ ծածկային ընդհանրությամբ հանդերձ նշված չորս սենյակները որմնախորշերի չափերի ու տեղադրության առումով տարբերվում են մյուս վեցից. վերջիններում խորշերը համեմատաբար լայն են ու բարձր, դասավորությունը պատերում՝ խիստ կանոնավոր:

²⁵ Նույն տեղում:

²⁶ Մ. Բարխուտարյանցն անվանում է «բնդարձակ դահլիճ» (տե՛ս նույն տեղում, էջ 223):

²⁷ Մ. Բարխուտարյանցն անվանում է «պատշղամ» (տե՛ս նույն տեղում):

²⁸ Ապարանքի բոլոր փայտե մասերն ու սրբատաշ եղրաքարերը հանվել և տարվել են:

Մոռովի անջատելով նկարագրված սենյակները ապարանքի մյուս մասերից, ակնառու է դառնում դրանց հորինվածքային կապը մի կողմից Արցախի և Սյունիքի XVIII դարի մեծիքական ապարանքների²⁹, մյուս կողմից՝ Հայաստանի XIX դարի և ավելի ուշ շրջանի ռազմաբաժին գեղջկական ու քաղաքային բնակարանների հետ։ Հայնական ճակատներով դեպի բակն ուղղված սենյակներն ու դրանց հակադեռ սենյակների շարքերը, ներքին բակը՝ կողալին մուտքերով, պարփակվածությունը, առաջին հիմնական ընդհանրությունները, որ ապարանքն ունի Բալխի ու Մոխրաթաղի ապարանքների³⁰, նմանատիպ այլ շինությունների հետ։ Ապարանքի ձորակաղսման սենյակներն իրենց ձևերով ու համադրությամբ հիշեցնում են հետագայում լայնորեն տարածված, սենյակների միաշարք դասավորությամբ բնակարանների հորինվածքային կերպը։

Տեղական անտառանյութի հարստությամբ, թերևս նաև ապարանքի կառուցման կարճ ժամկետով է պայմանավորված սենյակների ծածկերի շինվածքային ձևերում վերադարձը դեպի գեղջկական ռազմաբաժին ներհատուկ գերանածածկ լուծումը՝ շրջակա բնակավայրերում նույն դարի քարաշեն, թաղածածկ շինությունների կողքին։ Ինչպես երևում է Ջրաբերդ և Գյուլիստան ամրոցների միջնաբերդերում գտնվող իշխանական բնակարանների ծածկերի մնացորդներից³¹, սենյակների փայտաշեն, գերանածածկ կառուցելակերպը ևս իշխող վերնախավի ապարանքներում գործածական է եղել (քարաշեն ձևերի հետ միաժամանակ)։ Այս առումով հնարավոր է դառնում քննվող ապարանքի հորինվածքում Լեթադրել փայտածածկ բնակարաններին բնորոշ այլ տարրեր ևս՝ փայտե սանդուղքներ բակի կողմից, դեպի նրբանցքների վերնահարկերը, պահուսակ-գերաններով պատշգամբ՝ ձորահայաց սենյակների դռներից և այլն։

Ներքին, բաղմանշանակ բակով կապվում ընդհանրապես է սենյակների նկարագրված խումբը, որպես միաժամանակ (իմա՝ XVIII դարի կեսերից հետո, Մելիք Աղամի օրոք) իրականացված ամբողջական մտահղացում։

Սենյակների մյուս խումբը կազմում է նկարագրվածի շարունակությունը դեպի հարավ-արևելք և հատակագծային անկանոնությամբ ու շինվածքային անհամապատասխանությամբ առանձնանում է ընդհանուրից։ Պարզորոշ է երկու խմբի շինությունների միացման տեղերում պատերի անհամապատասխանություններն ըստ ուղղության ու կառուցողական կապի։ Բակի արևելյան անկյունամասից մուտք կա դեպի մի թաղակապ նախասենյակ, որին կից են երկու փոքր, քառակուսի (2,1 > 2,1) թաղածածկ շինություն։ Սրանք հատակի անկանոն լացվածքներով կապվում են նույն շափի ստորին հարկերի հետ, որոնց ժայռափոր գետնուղու կամարակապ մուտքը բացվում է բուրգերից մեկի եզրով³² (բրգավոր պատնեշի բարձրությունը այստեղ առավելագույնն է՝ 8,5 մ՝ ձորի հատակից մինչև շինությունների այժմյան հատակի նիշը)։ Հիշյալ նախասենյակի թաղածածկի մնացորդը վկայում է, որ այն կառուցված է կից սենյակի պատից ավելի վաղ, քանի որ թաղի կորի չափահանված շարունակությունը կից սենյակի պատին հենարանի տեղ չունի։ Նախասենյակի մուտքի պատը այդ շարքի սենյակների բակահայաց պատի ուղղությունից փոքր-ինչ հետ է դրված, իսկ լանջին հավասար կորագծային հենապատի ծայրը ուղիղ գծով անջատվում է կից շինությունից։ Հավանաբար հենց այս անհամապատաս-

²⁹ Հմմտ. Հայկական ճարտարապետության պրոբլեմներ, Քոբուս Քոբանյանի 120-ամյակին նվիրված հանրապետական գիտական նստաշրջան, զեկուցումների թեզեր, Երևան, 1984, էջ 21—23 75—77, աղ. 1։

³⁰ Նույն տեղում։

³¹ Երկու ամրոցներն էլ չափազրված են։

³² Ըստ Մ. Բարխուտարյանցի՝ «գետնահարկով գուրս հանած է արտաքնոցի և խոհանոցի միացյալ ոտքը» (տե՛ս Արցախ, էջ 223)։

խանություններն է նկատի ունեցել Մ. Բարխուտարյանցը, երբ գրել է «Հին ու նոր որմերի» տարբերության մասին³³։

Բակի հարավ-արևելյան նրբանցքից մուտքեր կան դեպի երկու գրեթե քառակուսի (5,8×6,2 մ և 6,0×5,0 մ) սենյակներ, որոնցից պահպանվել են միայն հիմնապատերը։ Սրանք հիշեցնում են իշխանական տներում հայտնի վուլգ գլխատները, սակայն ի տարբերություն դրանց՝ ճշտորեն կողք կողքի չեն կառուցված, շունեն նրանց վայելչությունն ու կենտրոնական դիրքը ապարանքի այժմյան հորինվածքում³⁴։ Հավանաբար այս սենյակները երդիկավոր ծածկեր են ունեցել։ պահպանված պատերում լուսամուտների հետքեր չկան։

Նրբանցքով այս սենյակներին կից է դարավանդի հարավային անկյունում պահպանված խորշաձև բաժանմունքով դահլիճը (3,75×7,45 մ)։ Սա, անշուշտ, եղել է տեղի իշխողի գահադահլիճը։ Խորշաձև մասում էլ գրվել է գահը։ Դահլիճն ունի դեպի ձորն ուղղված երեք լայն (1,0 մ) լուսամուտ, ամբողջովին պահպանվել է խորշաձև մասի թաղածածկը։ Նրբանցքին հարող երկայնական պատի և իրեն կից սենյակի նույնանուն պատի գծային անհամապատասխանությունից, ինչպես նաև ծածկի քարաշեն ձևերի կիրառությունից բացահայտ երևում է, որ թաղակապ դահլիճը ժամանակագրական առումով նախորդել է ձորահայաց մյուս սենյակներին։ Ավելին, բրգավոր պատնեշի վրա, որը դահլիճի ձորակողմի պատի ստորին շարունակություն է կազմում, նկատելի է հետագայում հավելված պատի շերտի եղրագիծը։ Դրանով որոշակիորեն պարզվում է ապարանքի հնավանդ մասի սահմանը։

Խորշաձև բաժանմունքով դահլիճի հորինվածքը հայտնի է Խաչենի իշխանական ապարանքում (XIII դար), որը նույնպես եղել է թաղակապ ու կողային լուսավորությամբ³⁵։ Սյունիքի Հորս գյուղի միջնադարյան իշխանական տան մնացորդներում³⁶։ Լայն պատուհանների առկայությունը սենյակների պաշտպանության տեսակետից անվտանգ պատերում, հայտնի է միջնադարյան Հայաստանի պալատական ճարտարապետության ողջ ընթացքում (Աղթամար, Անեբերդ, Անի), ինչպես նաև Արցախի ու Միջնադարյան աշխարհիկ ու հոգևոր ֆեոդալների տներում (Ջրաբերդի և Գյուլիստան ամրոցի միջնաբերդի բնակարաններ, Թալիշի ապարանք, Ծիրցմանկանց, Եղիշե առաքյալի, Ամարաս, Դադի և այլ վանքերի բնակելի տներ և վեհարաններ)։ Ուստի ենթադրելի է, որ դարավանդի եզրի մյուս, չպահպանված սենյակները ևս, շնայած կառուցվել են ավելի ուշ, նույնպես ունենային լայն պատուհաններ ձորակողմյան ճակատում։

Մեծիքական բազմանդամ ընտանիքի պահանջմունքներին համապատասխան հնավանդ ապարանքից մնացած սենյակներին ավելացվել են նորերը։ Դրանք էլ դարձել են հիմնական բնակելի մասը, իսկ գլխատները մնացել են հորինվածքային կենտրոնից՝ բակից, համեմատաբար հեռու և, ըստ երևույթի, երկրորդական, տնտեսական սենյակի նշանակություն են ունեցել։ Բակի հյուսիս-արևելյան շորս սենյակները հիմնական բնակելին են, եզրայինները՝ ընդհանուր տաքացվող։ Այս հանգամանքը բնորոշ է մեզ հայտնի գրեթե բոլոր մեծիքական տների բնակելի մասերին և հիմք է տալիս մտածելու, որ եզրային սենյակներում եղած բուխարիները ծառայել են լանջին հաված, խոնավացմանը ամենաշատը ենթակա պատերի շորտության ապահովմանը։ Դարավանդի

³³ Նույն տեղում, էջ 224։

³⁴ Եթե նկատի առնենք, որ նման գլխատները ապարանքներում սովորաբար կենտրոնական տեղ են գրավել, ապա մնում է ենթադրել, որ դրանք էլ այդպիսին են եղել ժամանակին, հորինվածքային միանգամայն այլ լուծման մեջ։

³⁵ Ա. Բ. Ղուլյան, Խաչենի իշխանական ապարանքը.— ԶՄՄ ԳԱ «Լրագրեր հաս. գիտ.», 1984, № 3, էջ 51—57, գծ. 1ա։

³⁶ Ն. Մ. Գապուխյան, Սյունիքի ժողովրդական ճարտարապետությունը, Երևան, 1972, էջ 75, նկ. 23։

ներքի շրջա և դրանց կից՝ Երկու սենյակները ևս պետք է բնակելի համառոտ, որոնք, հավանաբար, ծառայել են նաև որպես ընդունարան-հյուրասենյակ, Բազկն էլ այստեղ յուրատեսակ բնակարան է, շատ հարմար ամառային բնակեցության համար: Որ բակը ծառայել է և այդ նպատակին, վկայում են շոգափակող պատերնր մնացած որմնախորշերը: Բազկն իրար է կապում բնակելի սենյակները, հարմար է տարրեր նյութատկներով հավաքատեղի լինելու համար: Վտանգի դեպքում ապարանքում ու բակում պատասպարվածները կարող էին գետնուղիով հեռանալ կամ համալրում ու մատակարարում ստանալ: Այսպարանքի բակի հյուսիս-արևմտյան և հարավ-արևելյան եզրերում, միահարկ շինություններից վեր պարզված աշտարականման վերնահարկերից կարելի էր դիտել ամբողջ բերդավանը, տեսողական կապ ունենալ բնակավայրի մյուս պաշտպանական կետերի հետ, հսկել ապարանքի մուտքերը: Վերնահարկերով է իրականացվել կապը սենյակների հարթ կտուրի հետ, այն տարբեր նպատակներով օգտագործելու համար:

Ապարանքի տիրոջ գահադաշին-ընդունարանը ներկա հորինվածքում կենտրոնական տեղ չունի: Հանդիսանալով երբևմեի իշխանական պալատի հիմնական դաշինքներից մեկը, այն ավելացված բազմաթիվ սենյակաների կող-քին դարձել է ապարանքի ամենահանդիսավոր ու նվիրական տեղը՝ մեկիքի ըն-դունարան-առանձնասենյակը³¹:


Դահլիճի երբեմնի կամարակապ պատուհաններից ընդարձակ տեսարան է բացվում դեպի ամբողջ բերդավանն ու Թարթառի ձորը, դեպի Ջրաբերդ ամրոցն ու Ծրիցմանկանց վանքը: (Ի դեպ, Ջրաբերդի իշխանական բնակարանն ու Ծրիցմանկանց վանքի վեհարանը նույնպես լայն պատուհաններ ունեն ձորի կողմից): Միջնադարյան Հայաստանի ճարտարապետությունից հայտնի են շատ պալատական շենքեր, որոնք կառուցվել են հաշվի առնելով դահլիճներից պատուհաններից երևացող բնության գեղեցիկ տեսարանները³⁸: Քաղաքատեղի, Ջրաբերդի և Ծրիցմանկանցի բնակարաններում այդ երևույթը լավագույն արտահայտություն է գտել:

Ապարանքը յուրահատուկ է նաև իր կառուցելակերպով: Այն շինված է մեծ թեթևություն ունեցող ժայռոտ ձորալանջի վրա: Բրգավոր պատենշի և դրանով ստեղծված դարավանդի կայունությունն ապահովելու համար ձորեզրի սենյակների լայնական պատերը շարունակվում են դարավանդի ողջ խորուքում, իրենց վրա վեցցնելով հարթեցնող հողային լիցքի արտահրոյ ուժերը: Այդ նպատակին են ծառայում նաև լայնական պատերի միջակայքում պատենշի կայունությունն ամրապնդող կիսակլոր բրգավոր երևույթները, որոնցից եզրայինները եղել են շինության ամրող բարձրություն, իսկ միջանկյալները հասել են մինչև ձորեզրի սենյակների հատակի մակարդակը: Բուրգերը դեպի վերև նեղանում են և դեպի ներս ունեն որոշ թեթևություն: Նման թեթևություն ունի նաև պատենշը: Հետագայում լքվելով ու մնալով անխնամ, այս շարքի սենյակների ձորահայաց պատն ու դրա ստորին շարունակությունը կազմող բրգավոր պատենշը փլվել են, բացառությամբ հնավանդ դահլիճի, որի հատակն ամենամատն է ժայռե հիմքին: Առավել կայուն լայնական, խորացող պատերը մնում են անփոփոխ: Պահպանվել են նաև միջանկյալ բուրգերի ստորին մասերը: Ապարանքի պատերը շարված են անկանոն ու մանր տեղական, դեղնանարնջագույնի երանգներով հարուստ որձաքարից, առատ կրաշաղախի կիրառությամբ: Հնագույն մասի պատերի հաստությունը 0,9 մ է, մուսններինը՝ 0,8 մ: Բակի պարագծով, որմնախորշերի ու մուտքերի վերին եզրի բարձրությամբ պատերում կան անկանոն շարվածքի կայունության բարձրացման նպատակով դրված փայտե գոտիներ:

37 Մեկիքական տներում ընդունարանը միշտ էլ ամենախնամքով շինված մասն է եղել (տես՝ ն. Մ. Պ ապոստոլյան. նշվ. աշխ., էջ 71—73; Հ. Փ ապոստոլյան. Մեկիք Եգիպտոսի ընդունարանի վիժազիր արձանագրությունը.—ՀՍՍՀ ԳԱ «Լրագրեր» հաս. դիտոս, 1985, № 5, էջ 75—78):

³⁸ Հմմտ. Ս. Խ. Մեաթաբաձյան. Աղթամար. Երևան, 1983, էջ 21—22.

Վերոհիշյալ յուրահատկությունների շնորհիվ ապարանքն առանձնանում է մեզ հայտնի պալատական կառույցների մեջ և գալիս է լրացնելու մեր պատկերացումները միջնադարյան Հայաստանի իշխանական քնակարանների հորինվածքների մասին:



Աղ. II. 1. «Ախագան» ամրոց. 2. Նորուրդ ամրոց. 3. Հյուսիսային աշտարակ. 4. Հարավային աշտարակ. 5. Գոմ-ախոռ. 6. Բաղնիք. 7. Գլխատուն

Ապարանքից դեպի հարավ-արևելք, 10,5 մ հեռավորությամբ, երկայնական պատով ժայռալանջին հպված, կառուցված է մի նեղ ու երկար շինություն (ներքուստ՝ 4,1×23,9 մ), որը եղել է գոմ կամ ախոռ³⁹ (աղ. II, գծ. 5): Սա ունի մեկ մուտք՝ ապարանքին նայող կարճ ճակատի անկյունում և մի փոքր, անկանոն հատակածեով սենյակ՝ նույն պատի մյուս անկյունում: Մուտքի պատը ունի երկու, իսկ լանջին հպված երկար պատը՝ 16 կամարակապ, 70 սմ ընդմիջումով կառուցված որմնախորշեր (53×58 սմ): Ձիանոց-ախոռը հարմար է տեղադրությանը. լանջի թեքության շնորհիվ այն, ըստ երևույթին՝ պաշտպանական նկատառումով, տեսանելի չէ ճանապարհի կողմից, իսկ մուտքը բացվում է ապարանքի հարավ-արևելյան մուտքի հանդեպ: Որմնախորշերը

39 Մ. Բ ա Ր խ ո տ ա Ր յ ա ն ջ. Արցախ, էջ 224:

ախոռի մսուրներն են, յուրաքանչյուրը մեկ ձիու համար: Փոքր շինությունն էլ, հավանաբար, հատկացվել է ձիերի կերր և հանդերձանքը պահելու:

Ախոռի կամարաշեն որմնախորշերն ու կորագիծ պատերի առկայությունը հիշեցնում են ապարանքի հնագույն, քարաշեն մասերի կառուցելակերպը: Հնարավոր է, որ այժմ չպահպանված և փայտե ծածկի հետքեր չունեցող ախոռասրահի ծածկը նույնպես լինե՞ր քարաշեն՝ թաղակապ: Այս հանգամանքը, ինչպես նաև ախոռի նպաստավոր դիրքը հատկապես ապարանքի հին շինությունների նկատմամբ, հիմք են տալիս կարծելու, որ դրանք, թերևս, կառուցվել են միաժամանակ: Ախոռի մուտքից փոքր-ինչ դեպի արևմուտք, ձորալանջին կա մի $4,5 \times 5,9$ մ չափերի կիսավեր սենյակ: Մուտքը արևմտյան կողմից է, պատերում այլ բացվածքներ կամ խորշեր չկան, ծածկ չունի: Ծնթադրելի է, որ կապված է Լեռի ախոռի հետ, գուցե որպես ձիապանների սենյակ:

Կախաղան (աղ. II, գծ. 1, նկ. 4): Այս ամրոցը, որն ավանդաբար անվանվում է «կախաղան»⁴⁰, զբաղեցնում է ձորի գրեթե ստորոտից վեր խոյացող, մոտ 50 մ բարձրություն ունեցող ժայռազանգվածի հարթ գագաթը: Պարսպապատերը պահպանվել են միայն ձորի կողմից, որոնք ժայռի ուղիղ ճիւղին համապատասխան պատում են նրա լանջերը և այստեղ նրանք ավելի շուտ հենապատի նշանակություն ունեն⁴¹: Պատերը շարված են փոքր չափերի անմշակ որձաքարով ու կրաշաղախով և տարբեր մասերում ուժեղացված են միաստիճան, երկաստիճան և եռաստիճան աշտարակաձև ելուստներով: Ելուստների լայնությունները տարբեր են և տատանվում են 1,30—2,35 մ սահմաններում: Նրանք տարբեր են նաև պատի ուղղագիծ հատվածներից զուրս եկած մասերով (0,65—1,30 մ): Պատերի առավելագույն բարձրությունը մոտավորապես 4 մ է և բոլոր մասերում էլ նրանք ժայռի հարթ մակերեսից վեր չեն բարձրանում: Հարավային մասում պարիսպների հետքերն անգամ չեն նշարվում, սակայն պետք է ենթադրել, որ պարիսպ եղել է: Ամրոցը մուտք է ունեցել արևելքից և, հավանաբար, նաև արևմուտքից: Պահպանվել է արևելքից ամրոց տանող ճանապարհի հյուսիսային եզրին շարված սլափից մոտ 18 մ երկարությամբ մի հատված: Ամրոցի զբաղեցրած նախկին տարածքի մասին դժվար է որոշակի բան ասել, նշենք միայն, որ պահպանված մասի եզրագծով և նրա ծայրակետերը միացնող ուղիղ գծով սահմանափակված մակերեսը մոտավորապես 550 քառ. մ է:

Ամրոցի պարսպապատերը ժայռի հետ միաձուլվել են և հեղինակի (դիտման մոտակա կետ չկա) ընկալվում են որպես նրա կողմնային մակերևույթի հատվածներ: Պատերը չեն երևում նաև ամրոցի ներսից և որպեսզի նրանք նկատվեն, անհրաժեշտ է արևմտյան մասից, ժայռի անմիջապես լանջով մոտենալ նրանց: Թերևս այս է եղել պատճառը, որ Մ. Բարխուտարյանը պարսպապատը չի նկատել և նույնիսկ նրա գոյության մասին իր աշխատության մեջ ոչ մի հիշատակություն չունի⁴²:


Ծոփուրգ ամրոց (աղ. II, գծ. 2): Գտնվում է քաղաքի հյուսիսային մասում, ճանապարհի արևելյան կողմի թեքադիր լանջին: Այն ներքուստ քառանկուն հատակագծով (առանցքային չափումներով $9,25 \times 10,25$ մ) մի կառույց է, որն ունի կոր եզրագծով աշտարակներ իր հարավ-արևմտյան, հարավ-արևելյան անկյուններում և հարավային պատի կենտրոնում: Պատերը շարված են անմշակ որձաքարով և կրաշաղախով: Վերանորոգման հետքեր չկան: Հա-

⁴⁰ Հնարավոր է, որ ժողովրդի մեջ տարածված այս անունը ստուգաբանվի ուղղակի իմաստով և ամրոցը ծառայած լինի նաև որպես դատաստանավայր, մանավանդ, որ նրա ներսը տեսանելի է Քաղաքատեղի դրեթե բոլոր մասերից և ժողովուրդը կարող էր ականատես լինել այնտեղ կատարվող գործողություններին:

⁴¹ Հատակագծի արևելյան հատվածը տեղում մոտենալու հնարավորություն չլինելու պատճառով գծված է մոտավոր ճշտությամբ:

⁴² Մ. Բարխուտարյանց. Արցախ, էջ 222—224.

մեծատարար լավ վիճակում են պահպանվել պարսպապատերի (հաստությունը 0,9—0,95 մ) աշտարակներն ընդգրկող հատվածները: Եթե արևելյան պատի մի մասը դեռ կա, ապա արևմտյանի հետքերն անգամ չեն երևում, իսկ



Նկ. 1. Իշխանական ապարանքի ընդհանուր տեսքը

Նկ. 2. Իշխանական ապարանքի ներքին տեսքը

հյուսիսային պատը նշմարվում է միայն ներսի կողմից: Ներսը՝ մինչև պատերի վերին եզրը, լցված է հողով և առանց պեղումների անհնար է որոշակիացնել ներքին հատակածևի տեսքը: Ինչպես երևում է Մ. Բարիուտարյանցի նկարագրում, իր ժամանակ այն ավելի ամբողջական է եղել. «Կա մի մեծ շինություն, որ յուր արտաքին կողմում ունի երեք բուրգ, մեջտեղում տասն մետրաչափ բարձր քարովիր սյուն և երկու մեծ սենյակներից բաղկացած շի-

նություն: Այս է ամենից ավելի հնությունն, որ կարծես թե յուր ամրագին կազմավորվածությունը ներկայացնում է տեղիս հին իշխողի բնակարանը⁴³:

Աշտարակները դեպի վերև ներկայումս են և դեպի ներս ունեն որոշ թեքություն: Տեղանքի դիտարկումը թույլ է տալիս եզրակացնել, որ մուտքը եղել է արևմտյան կողմից:


Հյուսիսային աշտարակ (աղ. II, գծ. 3, նկ. 3): Գտնվում է բերդավանի հյուսիս-արևմտյան մասում, նրա տարածքը հյուսիսից եզրափակող ձորի ձախ ափի բարձունքում: Ներկայումս կիսավեր է և այս վիճակում առավելագույն բարձրությունը մոտ 5 մ է: Աշտարակը երկհարկանի է և կառուցված է անմշակ որձաքարով և կրաշաղախով: Վերջին ժամանակներս արտաքին երեսպատման քարերը ամբողջովին հանել են: Ողջ բարձրությամբ քանդված է շինության արևելյան հատվածը, մոտ 3 մ լայնությամբ: Եթե առաջին հարկի թաղի մի մասը պահպանվել է և դա բավարար է նրա գոցվող լինելը տեսնելու համար, ապա երկրորդ հարկի ծածկից ոչինչ չի մնացել և անհնար է որոշել, թե այն ինչպիսին է եղել: Կառույցի ստորին հարկը իրենից ներկայացնում է ներքուստ քառակուսի (կողմը՝ 3,5 մ) հատակագծով մի սենյակ, որն ունի մեկ մուտք հյուսիսից և դեպի դուրս նեղացող երկու լուսամուտ՝ հարավից և արևմուտքից: Այստեղ արտաքին հատակաձևը որոշակի չէ: Վերին հարկը հատակագծով կանոնավոր ութանկյուն է թե՛ ներսից (կողմը՝ 1,57 մ) և թե՛ դրսից և ունի երկու լուսամուտ՝ հյուսիսից և հարավից: Մուտքը հավանաբար եղել է արևելակողմից: Այստեղ պահպանվել են ծածկի թաղի ութանկյուն հիմքը տասնվեց անկյուն դարձնող միակտուր սալ քարերը (ութ անկյուններից վեցում):

Հարավային աշտարակ (աղ. II, գծ. 4): Գտնվում է բերդավանի հարավ-արևմտյան ծայրում, նրա տարածքը հարավից եզրափակող ձորի աջ ափին: Այն ունի երկու հարկ: Ներկա վիճակում առավելագույն բարձրությունը կազմում է 5,55 մ: Կառույցի ներքին և արտաքին մակերեսներից սրբատաշ քարերը գրեթե ամբողջությամբ հանված են: Այդ տեսակետից քիչ է տուժել առաջին հարկի գմբեթային ծածկի ներքին մակերևույթը, որտեղ երեսպատման քարերը մեծ մասամբ մնում են: Դատելով պատերի մակերեսներից հանված քարերի դեռևս երևացող հետքերից, շինությունը, բացի առաջին հարկի արտաքին ստորին մասից, հիմնականում կառուցված է եղել դեղնասպիտակավուն լավ մշակված որձաքարով: Ամբողջովին փլված է երկրորդ հարկի ծածկը: Աշտարակն արտաքինից բոլորակ է, որը ստորին մասում եզրափակվում է գետնից ոչ այնքան բարձր քառանիստ ծավալով:

Առաջին հարկը ներքուստ ունի հատակագծում խաչաձև (5,0×5,0 մ առանցքային չափումով) հորինվածք: Չորս քառանկյուն հենախորշերով (խաչաթևերով) պարփակված կենտրոնական տարածությունը պսակված է գմբեթով: Միակ մուտքը արևելակողմից է և ներսից ու դրսից վերջանում է հորիզոնական բարավորով: Այն հետագայում գետնի վրա գոյացած հողի հաստ շերտով համարյա ամբողջովին արտաքինից փակվել է: Մի լուսամուտ բացվում է արևմտյան խաչաթևից: Հարավային պատը կենտրոնից քանդվել է, որի հետևանքով առաջացել է մի նեղ, մուտքանման բացվածք և հնարավոր է, որ լուսամուտ է բացվել նաև այստեղից: Հենախորշերն ավարտվում են կտրվածքում երկկենտրոն թաղերով, որոնց եզրակամարներով ստեղծված դմբեթատակ քառակուսու կողի երկարությունը 3,17 մ է: Փոխանցումը դմբեթատակ քառակուսուց դեպի կիսագնդաձև գմբեթի հիմքը իրականացված է առաջաստներով: Երկրորդ հարկը թե՛ ներսից և թե՛ դրսից բոլորակ է: Ներսի բոլորակի տրամագիծը մոտ 5 մ է: Այստեղ պատուհանները բացվել են հարավային, արևելելյան և արևմտյան մասերից, իսկ մուտքը՝ հյուսիսից:

⁴³ Նույն տեղում. էջ 223: Այստեղ անհավանական է թվում կենտրոնում 10 մետրաչափ սյան գոյությունը:

Հայկական լեռնաշխարհում աշտարակաձև շինություններ կառուցվել են դեռ ուրարտական շրջանում⁴⁴, «Հարավային Հայաստանում, Արևմտյան Տիգրիսի ակունքներից ոչ շատ հեռու գտնվող հայկական գյուղը նկարագրելիս»



Նկ. 3. Հյուսիսային աշտարակը. Նկ. 4. Հարավային ամրոցի պարսպապատի հատվածը

Քսենոֆոնը հիշում է աշտարակաձև տները (Անաբասիս, IV, 4, 2). սրանք բնակելի աշտարակներ են, որոնք, հավանաբար, կառուցված են ուրարտական նման շենքերի հետ»⁴⁵, Այժմ էլ, թե՛ Արցախում և թե՛ ներկայիս Հայաստանի

⁴⁴ Գ. Տիրացյան. Փարաքարի աշտարակաձև դամբարանը և նման հուշարձաններ Առաջավոր Ասիայում.—«Բանբեր Երևանի համալսարանի», Երևան, 1970, № 1, էջ 234:

⁴⁵ Նույն տեղում:

տարածքում պահպանվել են նմանատիպ բազմաթիվ հուշարձաններ: Դրանց մի մասը իր աշխատության մեջ ներկայացրել է Թ. Թորամանյանը⁴⁶: «Աշտարակաձև կառույցների նշանակալից մասը հնարավոր է դասել ամրացված բնակելի տների շարքը, նրա մի ստվար խումբը կազմում են, այնուամենայնիվ, պաշտամունքային ընդհանուր նշանակություն ունեցող աշտարակաձև հուշարձանները՝ տաճարները և, հատկապես, դամբարանները: Հանդիպում են նաև աշտարակաձև պահակակետեր, դիտման և ազդանշանային կայաններ, ամրացված ապաստանավայրեր»⁴⁷: Հակված ենք կարծելու, որ Քաղաքատեղի աշտարակաձև շինությունները ամրացված բնակելի տներ են եղել:

Բաղնիք (աղ. II, գծ. 6): Քաղաքատեղի բազմամարդ բնակչության և բարգավաճ կյանքի մասին է վկայում նաև բաղնիքը: Հին Հայաստանում ճրագների լինում էին բոլոր պալատներում, ամրոցներում, քաղաքներում և մարդաշատ բնակավայրերում և ըստ օգտագործման ժամանակն ամենավեր կամ հասարակական բնույթ»⁴⁸: Դատելով ընդհանուր հատակագծում ավերակների գրաված դիրքից, այստեղ բաղնիքը ծառայել է բերդավանի ամբողջ բնակչությանը: Համեմատաբար լավ վիճակում է մի պատով ժայռին կպած, $2,7 \times 2,8$ մ չափերի կիսաքանդ գոցվող Բաղով շինությունը: Սրա հարավային կողմից կառուցված $2,7 \times 3,6$ մ չափերի շինությունը ևս նման ծածկի հետքեր ունի: Հիշյալ կառուցվածքների առջևի հարթ, բականման ($5,95 \times 12,6$ մ) տարածքի հյուսիսային և արևմտյան կողմերում պահպանված պատերի մնացորդ-հատվածներով ընդհանուր հատակաձևը ուղղանկյան տեսք է ստանում: Ներկա վիճակում հնարավոր չէ պարզել բաղնիքի առանձին բաժանմունքների տեղն ու դերը, քանի որ հողի շերտով ծածկված կամ քանդված է պատերի մեծ մասը: Միայն գոցվող Բաղերով իրականացված գմբեթով շինության պատերի մասնորամասներից (աղյուսաշեն փոքր խորշեր երեք պատերում՝ այժմյան հատակի բարձրությունից, կավե խողովակների հետքեր, կիսաքանդ երդիկ) ելնելով կարելի է ասել, որ այն հավանաբար, եղել է լողարան⁴⁹: Բաղնիքը երևի տաքացվել է հնուց հայտնի՝ սյունիկների վրա բարձրացված հատակի և խողովակավոր պատերի միջոցով՝ հնոցից մղված տաք օդով ու ծխով⁵⁰: Տեղանքի պայմաններն այնպիսին են, որ շուրջ աղբյուրի առկից կարելի էր ինքնահոսով բերել բաղնիքի համապատասխան բաժանմունքը:

Հատակագծային հորինվածքի և առանձին մասերի չափերի առումով այս բաղնիքին նման է Գյուլիստան բերդի ստորոտում, Ինջա գետի ձախ ափին գտնվող կիսավեր բաղնիքը: Վերջինս ունի բաժանմունքների ավելի ընդարձակ կազմ, բաղկացած $2,6 \times 2,6$ մ և $2,6 \times 4,6$ մ չափերի շինություններից՝ ուղղանկյուն բակի ($5,95 \times 9,5$ մ) երեք կողմերում:

Կարծում ենք, որ Քաղաքատեղի բաղնիքը կառուցվել է մեկնքական շրջանում՝ վերակառուցված ապարանքի, բնակելի, քաղաքացիական և պաշտպանական որոշ այլ շինությունների հետ:

Այսպես ուրեմն.

Ամբողջ միջնադարի ընթացքում ընդհատումներով գոյատևած բերդավանը եղել է գավառի իշխանական նստավայրերից մեկը, վերջին դարերում գառ-

⁴⁶ Թ. Թորամանյան. Նյութեր հայկական ճարտարապետության պատմության. I, Արևան, 1942. էջ 10—11.

⁴⁷ Գ. Տիրացյան. Նշվ. աշխ., էջ 238.

⁴⁸ Օ. X. Халпахчьян. Гражданское зодчество Армении. М., 1971, с. 212—213.

⁴⁹ Հմմտ. նույն տեղում, գծ. 163, 164.

⁵⁰ Մաղաժուկի Վալերիկ Ավանեսյանի պատմելով, բաղնիքի հյուսիս-արևմտյան, ձորեզդրին գտնվող անկյան հատակի տակ մինչև վերջերս եղել է աղյուսան սյունիկների վրա դրված ալյուրի հատակ այն բարձրությամբ, որ հնարավոր էր կիսապառկած սողոսկել մյուս սենյակ-էջերի տակը:

նալով Ջրարեղի մելիքության կարևոր ռազմաքաղաքական հենակետ (սրդ-նալը)՝ Ջրարեղ ամրոցի հեռ միասին:

Բերդավանը ուշմիջնադարյան քաղաքաշինության տառապանքների օրինակ է, որակի փրկեց արաբախյալությունն են գտել դարաշրջանի (XVIII դար) քաղաքական իրավիճակը, ժամանակաշրջանին հատուկ անպաճույճ, գործնական-անհրաժեշտությամբ թելադրված ճարտարապետական ձևերը, ոչ բարդ կառուցվածքային լուծումները:

Քաղաքատեղն ունի պաշտպանական համակարգի որոշակիորեն արտահայտված գծեր. այդ նպատակին են հարմարեցված եղել գրեթե բոլոր պահպանված շինությունները, հատկապես կառուցվածքը, տեղադրությունը:

ГОРОДИЩЕ КАГАКАТЕГ В АРЦАХЕ

А. Б. ГУЛЯН, Р. С. АБГАРЯН

Резюме

Развалины городища Кагакатег или Майракагак находятся на правом берегу реки Тартар, на территории сселения Магавуз Мардакертского района НКАО. По библиографическим и историческим источникам, а также по архивным материалам выясняется, что городище (по всей вероятности, прежняя крепость Бердакур), существовавшее по соседству с крепостью Джраберд, в XVIII в. становится одним из важных центров армянской национально-освободительной борьбы. Перестроив древний замок, здесь основался джрабердский Мелик Адам Исраелян (1767—1783 гг.). Планировочная структура городища имеет рациональное экономическое и оборонительное расположение, вызванное географическими условиями местности. Жилые, хозяйственные и подсобные строения городища расположены вокруг трех основных оборонительных точек: княжеского замка-дворца и двух небольших крепостей по обе стороны замка. Примечательны два двухэтажных башнеобразных строения, которые, видимо, были укрепленными жилищами.